



Inatsisartuni ilaasortaq  
Justus Hansen  
Demokratit

23.06.2016.

### **Aallaasit pillugit § 37 toqqammavigalugu apeqquteqaamut nr. 93-mut akissut**

Asasara Justus Hansen

Aallaasit pillugit apeqquteqaateqarnernut qujavunga.

Apeqquteqaatitit ataani tulleriillugit akissuteqarfigissavakka.

- 1. Naalakkersuisut pilersaaruteqarnerlutik aallaasit pillugit nunatsinni maleruagassat sakkortunerulersinneqarnissaat pillugit, taamaasilluni maleruagassat imatut isikkullit atuutilersinnaaqullugit;**
  - **Aallaasit tamarmik nalunaarsorneqartalernissaat**
  - **Aallaasit tamarmik inaalinneqartassapput parnaarullugit, immikkullu inissiffilerlugit**

Naalakkersuisut isumaqarput pisariaqartoq ilumut aallaasit pillugit maleruagassat ullutsinnut naapertuukkunnaarsimansut. Tamatumunnga pissutaavoq akuttunngitsumik aallaasit atorlugit ajoqusertoqartarmat, ilaatigut aallaasit inissinneqarsimanermikkut innuttaasut inuunerannik ulorianartorsiorititsisutut naliliiffigineqartariaqartarlutik. Taamaattumik Naalakkersuisut isumaqarput aallaasit pillugit maleruagassat nunatsinni piniartutut inuussutissarsiuteqarnerup pingaaruteqassusia taamatullu sunngiffimmi piniartorpassu-aqartarnera eqqarsaatigalugit atugarisaanerat isiginiarlugit aaqqiiviginiarneqartariaqartut.

Taamaattumik Naalakkersuisut qulaajaaffiginiarpaat qanoq iliornikkut naapertuunerpaamik aallaaseqartarneq pillugu maleruagassat tigussaasumik allannngortinneqarsinnaanersut. Qulaajaanermut tunngatillugu Naalakkersuisut naatsorsuutigivaat nunatsinni piniarnermik soqutigisa-qaqatigiiffiit qanimut suleqatigineqassasut qanorpiag aaqqiinartoqarsinnaaneramik nassaarinninniarnermi.

Aallaasit imassallu nalunaarsorneqarlutillu immikkut toqqorfilersorneqarsinnaanerat qulaajaanermut atatillugu isummersorfigineqartut ilagiumaarpaat, tamatuma saniatigut qassinik ukioqalereersimanissamik piumasaqaateqarsinnaaneq aamma nalilersuiffigineqartussanut ilaasussaassalluni.

- 2. Naalakkersuisut pilersaaruteqarnerpat innuttaasut toqqissisimanarnerusumik inooqataasinnaanissaat siunertaralugu aallaasit pillugit allatut aalajangersaasoqarnissaa aqutissiuutissallugu?**

Malittarisassat iluaqutaalluarsinnaapput aallaasit imassallu paarilluarnissaat. Naalakkersuisulli isumaqarput nutaamik aaqqiinaraani pinngitsoorneqarsinnaangitsoq apeqqut pillugu innuttaasunik oqallittoqaqqaarnissaa qanoq periuseqarluta tamakku isumannaatumik atugarisinnaanerigut pillugit. Aalajangiisuvoq ilumut innuttaasut tamarluinnarmik taamatut alloriartoqarnissaa aqutissiuukkusussimassappassuk, tamannalu toqqammavigalugu toqqissisimanerusumik inooqataalernissartik aqutissiuusseqataafigalugu.

Naalakkersuisut kissaatigivaat aallaaseqarsinnaanermut inatsisip nutarsarneqartariaqarnera, taamaasiornikkullu aqutissiuullugu innuttaasut isumannaanerusumik atugaqalernissaat. Ilumut aaqqiinerit qanorpiaq imaqartariaqarnersut ammasumik oqallisereertoqarneratigut pisariaqarput, taamaattumillu Naalakkersuisut suliniutigalugu aallartisarsima-vaat apeqqutit tamakku qulaajaaffigineqarnissaat.

Naalakkersuisut iliuuseqaatigilereersimasaanut ilaapput, nunatsinni illoqarfinni aallaasinik atueqqusaannginnerit nunatsinni pinerluttaalisitsinermut inatsimmi tapitartuuneqartariaqartut, apeqqulli tamanna Justitsministeriaqarfimmut saaffiginnissutigineqareersimavoq, taakkuli Naalakkersuisunut ilisimatitsissutigisimavaat apeqqut pingaaruteqartut isigalugu suliariniaritsik.

Inussiarnersumik inuulluaqqusillunga

Martha Lund Olsen